

文選正文

山子點

三

三冊内第 四

頁六二〇号


特279

301

特279-301



1200501132293



始







卷 279  
301

類總集  
屬漢總  
冊十三  
函六  
七

文選正文卷之三

賦類

登樓賦

王粲

登茲樓以四望兮，聊暇日以消憂。覽斯宇之所處兮，實顯敞而寡仇。挾清漳之通浦兮，倚曲沮之長洲。背墳衍之廣陸兮，臨臯隰之沃流。北彌陶牧，西接昭丘。華實蔽野，黍稷盈疇。雖信美而非吾土兮，曾何足以少留。遭紛濁而遷逝兮，漫踰紀以迄。今情眷眷而懷歸兮，孰憂思之可任。憑軒檻以遙望兮，向北風而開襟。平原遠而極目兮，蔽荆山之高峰。路逶迤而修迥兮，川旣漾而濟深。悲舊鄉之壅隔兮，涕橫墜而弗禁。昔尼父之在陳兮，有歸歎之歎音。鍾儀幽而楚奏兮，莊舄顯而



越吟人情同於懷土兮豈窮達而異心惟日月之逾邁兮俟  
河清其未極與王道之一平兮假高衢而騁力懼匏瓜之徒  
懸兮畏井渫之莫食步棲遲以徙倚兮白日忽其將匿風蕭  
瑟而並興兮天慘慘而無色獸狂顧以求羣兮鳥相鳴而舉  
翼原野閒其無人兮征夫行而未息心悽愴以感發兮意怵  
怛而惛惛循階除而下降兮氣交憤於胃臆夜參半而不寐  
兮悵盤桓以反側

遊天台山賦

并序

孫綽

天台山者蓋山嶽之神秀也涉海則有方丈蓬萊登陸則有  
四明天台皆玄聖之所遊化靈仙之所窟宅夫其峻極之狀  
嘉祥之美窮山海之瓌富盡人神之壯麗矣所以不列於五

嶽闕載於常典者豈不以所立冥奧其路幽迴或倒景於重  
溟或匿峰於千嶺始經魍魅之塗卒踐無人之境舉世罕能  
登陟王者莫由禪祀故事絕於常篇名標於奇紀然圖像之  
興豈虛也哉非夫遺世翫道絕粒茹芝者烏能輕舉而宅之  
非夫遠寄冥搜篤信通神者何官遙想而存之余所以馳神  
運思書詠宵興俛仰之間若已再升者也方解纓絡永託茲  
嶺不任吟想之至聊奮藻以散懷

太虛遼廓而無閔運自然之妙有融而爲川瀆結而爲山阜  
嗟台嶽之所奇挺實神明之所扶持蔭牛宿以曜峯託靈越  
以正基結根彌於華岱直指高於九疑應配天於唐典齊峻  
極於周詩邈彼絕域幽邃窈窕近智者以守見而不之之者



以路絕而莫曉。西夏蟲之疑冰。整輕翻而思矯。理無隱而不彰。落一奇以示兆。赤城霞起以建標。瀑布飛流以界道。觀靈驗而遂徂。忽乎吾之將行。仍羽人於丹丘。尋不死之福庭。荷台嶺之可攀。亦何羨於層城。釋域中之常戀。暢超然之高情。被毛褐之森森。振金策之鈴鈴。披荒榛之蒙龍。陟峭崿之崢嶸。濟楸溪而直進。落五界而迅征。跨穹隆之懸磴。臨萬丈之絕冥。踐劓苔之滑石。搏壁立之羣屏。攬樛木之長蘿。援葛藟之飛莖。雖一冒於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心目之寥朗。任緩步之從容。藉萋萋之織草。蔭落落之長松。觀翔鸞之裔裔。聽鳴鳳之嗚嗚。過靈溪而一濯。疏煩想於心曾。蕩遺塵於旋

流發五蓋之遊蒙。追羲農之絕軌。躡一老之玄蹤。陟降信宿。迄于仙都。雙闕雲竦。以夾路。瓊臺中天。而懸居。朱閣玲瓏。於林間。玉堂蔭映。於高隅。彤雲斐斐。以翼樞。皦日炯晃。於綺疏。八桂森挺。以凌霄。五芝含秀。而晨敷。惠風佇芳。於陽林。醴泉涌潤。於陰渠。建木滅景。於千尋。琪樹璀璨。而垂珠。玉喬控鶴。以冲天。應真飛錫。以躡虛。騁神變之揮霍。忽出有而入。無於是遊覽。既周。體靜心閒。害馬已去。世事都捐。投刃皆虛。目牛無全疑。思幽巖。朗詠長川。爾乃羲和亭午。遊氣高褰。法鼓振以振響。衆香馥以揚烟。肆覲天宗。爰集通仙。挹以玄玉之膏。漱以華池之泉。散以象外之說。暢以無生之篇。悟遣有之。不盡。覺涉無之。有間。泯色空以合跡。忽卽有而得玄。釋一名之



同出消一無於三幡恣語樂以終日等寂默於不言渾萬象以冥觀兀同體於自然

蕪城賦

鮑昭

瀟。池。平。原。南。馳。蒼。梧。張。海。北。走。紫。塞。鴈。門。拖。以。漕。渠。軸。以。崑。岡。重。江。複。關。之。隩。四。會。五。達。之。莊。當。昔。全。盛。之。時。車。挂。轆。人。駕。肩。塵。閉。撲。地。歌。吹。沸。天。孽。貨。鹽。田。鎗。利。銅。山。才。力。雄。富。士。馬。精。妍。故。能。侈。秦。法。佚。周。令。劃。崇。墉。剡。濬。洫。圖。脩。世。以。休。命。是以板築雉堞之殷井幹烽櫓之勤格高五嶽袤廣三墳崕若斷岸轟似長雲製磁石以禦衝糊積壤以飛文觀基局之固護將萬祀而一君出入三代五百餘載竟瓜剖而豆分澤葵依井荒葛曾塗壇羅虺蜃階闕麇廳木魅山鬼野鼠城狐

風。嗥。雨。嘯。昏。見。晨。趨。饑。鷹。厲。吻。寒。鳴。嚇。雛。伏。藏。虎。乳。而。餐。膚。崩。榛。塞。路。崢。嶸。古。墟。白。楊。早。落。塞。草。前。衰。稜。稜。霜。氣。款。款。風。威。孤。蓬。自。振。驚。砂。坐。飛。灌。莽。杳。而。無。際。叢。薄。紛。其。相。依。通。池。既。已。夷。峻。隅。又。以。頽。直。視。千。里。外。唯。見。起。黃。埃。疑。思。寂。聽。心。傷。已。摧。若。夫。藻。扇。翻。帳。歌。堂。舞。閣。之。基。璇。淵。碧。樹。弋。林。釣。渚。之。館。吳。蔡。齊。秦。之。聲。魚。龍。爵。馬。之。玩。皆。薰。歇。燼。滅。光。沈。響。絕。東。都。妙。姬。南。國。麗。人。蕙。心。紉。質。玉。貌。絳。唇。莫。不。埋。菟。幽。石。委。骨。窮。塵。豈。憶。同。舉。之。愉。樂。離。宮。之。苦。辛。哉。天。道。如。何。吞。恨。者。多。拍。琴。命。操。爲。蕪。城。之。歌。歌。曰。邊。風。急。兮。城。上。寒。井。徑。滅。兮。丘。隴。殘。千。齡。兮。萬。代。其。盡。兮。何。言。

魯靈光殿賦

并序

王延壽



魯靈光殿者。蓋景帝程姬之子。恭王餘之所立也。初恭王始都下國。好治宮室。遂因魯僖基兆。而營焉。遭漢中微盜賊奔突。自西京未央建章之殿。皆見墮壞。而靈光歸然獨存。意者豈非神明依憑支持。以保漢室者也。然其規矩制度。上應星宿。亦所以永安也。子客自南鄙觀藝於魯。親斯而聆。曰嗟乎。詩人之興感物而作。故奚斯頌僖歌其路寢。而功績存乎辭。德音昭乎聲物。以賦顯事。以頌宣匪賦匪頌。將何述焉。遂作

賦曰

粵若稽古。帝漢祖宗。濟哲欽明。殷五代之純熙。紹伊唐之炎精。荷天衢以元亨。廓宇宙而作京。敷皇極以創業。協神道而太寧。於是百姓昭明。九族敦序。乃命孝孫。俾侯于魯。錫介珪

以作端宅。附庸而開宇。乃立靈光之秘殿。配紫微而為輔承。明堂於以陽昭。列顯於奎之分野。瞻彼靈光之為狀也。則嗟峨。峩峩危巍。嚙嚙吁可畏乎。其駭人也。迢遶側儻。豐麗博敞。洞轆轤兮其無垠也。邈希世而特出。差瓌譎而鴻紛。屹山峙以紆鬱。隆崛岉乎青雲鬱。坎比以增峻。巖繪絳而龍鱗。汨磴磴以璀璨。赫燁燁而燭坤。狀若積石之鏘鏘。又似乎帝室之威神。崇墉岡連以嶺屬。朱闕巖巖而雙立。高門擬于閭闔。方二軌而並入。於是乎乃歷夫太階。以造其堂。俯仰顧眄。東西周章。彤彩之飾。徒何為乎。滂滂沂沂。流離爛熳。皓壁皜曜。以月照丹柱。歛施而電燄。霞駁雲蔚。若陰若陽。濯濯燐亂。焯焯煌煌。隱陰夏以中處。濛濛寥窳。以崢嶸。鴻煬煬以燦閭。颺蕭條



而清冷動。滴瀝以成響。成雷應其若驚。耳嘈嘈以失聽。目矍矍而喪精。駢密石與琅玕。齊玉璫與璧英。遂排金扉而北入。宵藹藹而晦曖。旋室嬾娟以窈窕。洞房叫窳而幽邃。西廂踟蹰以閑宴。東序重深而奧祕。屹睥睨以勿罔。肩壓翳以謔溲。竟悚悚其驚。斯心惴惴而發悸。於是詳察其棟宇。觀其結構。規矩應天上。憲觜取偏危。雲起嶽峯離樓。三間四表。八維九隅。萬楹叢倚。磊砢相扶。浮柱昭帶以星懸。漂曉峴而枝柱。飛梁偃蹇以虹指。揭蓬蓬而騰濤。層檻礫危以岌峩。曲枅要紹而環勾。芝栴攢羅以戟。香枝掌杈。枿而斜據。傷天矯以橫出。互黜糾而搏負。下弗蔚以攀錯。上噴噦而重注。捷獵鱗集。支離分赴。縱橫駉驛。各有所趣。爾乃懸棟結阿。天窓綺踈。圓淵

方井反植。荷渠發秀。吐紫茵苔。披敷綠房。紫葍宿詫。垂珠雲。奈藻悅龍。脩彫鏤。飛禽走獸。因木生姿。奔虎攫拳。以梁倚。伉奮。豐而軒。鬣虬龍騰。蟻以蜿。螭領若動。而躩踞。朱鳥舒翼。以峙衡。騰地蟻蚘。而遠接。白鹿子。蛻於樽。檻蟠螭宛轉。而承楯。狡兔踈伏。於柎側。後狢攀椽。而相追。玄熊蚘。啖以斷。斷却負戴。而躡蹠。齊首目。以瞪眇。徒脈脈。而标标。胡人遙集。於上楹。儼雅蹠。而相對。伉欺。猓以鵬。眈頰頰。而睽睽。狀若悲愁。於危處。憊頰感。而含悴。神仙岳岳。於棟間。七女闕窓。而下視。忽矚眇。以響像。若鬼神之髮。翬圖畫。天地品類。羣生雜物。奇怪山神。海靈。寫載其狀。託之丹青。千變萬化。事各繆形。隨色象類。曲得其情。上紀開闢。遂古之初。五龍比翼。人皇九頭。伏羲



文選 止 卷之二  
鱗身女媧蛇軀鴻荒樸畧厥狀睚眦可觀黃帝唐虞軒  
冕以庸衣裳有殊下及三后淫妃亂主忠臣孝子烈士貞女  
賢愚成敗靡不載敘惡以誡世善以示後於是乎連閣承宮  
馳道周環陽榭外望高樓飛觀長塗升降軒檻曼延漸臺臨  
池層曲九成屹然特立的爾殊形高徑華蓋仰看天庭飛陛  
揭孽緣雲上征中坐垂景頽視流星千門相似萬戶如一巖  
突洞出透迤詰屈周行數里仰不見日何宏麗之靡靡咨用  
力之妙勤非夫通神之俊才誰能冠成乎此勳據坤靈之寶  
勢承蒼昊之純殷包陰陽之變化合元氣之烟熅玄體騰涌  
於陰溝甘露被宇而下臻朱桂黝儵於南北蘭芝婀娜於東  
西祥風翕習以颯灑激芳香而常芬神靈扶其棟宇歷千載

而彌堅永安寧以祉福長與大漢而久存實至尊之所御保  
延壽而宏子孫苟可貴其若斯孰亦有云而不珍亂曰彤彤  
靈宮歸罪穹崇紛尾鴻兮崩崩嶺嶺登岑峯嶺疑駢龍從兮連  
拳偃蹇崙嶙蹉蹉傷歎傾兮歎歎幽靈雲覆灑灑洞杳冥兮  
葱翠紫蔚礧礧瑰瑋含光晷兮窮奇極妙棟宇已來未之有  
今神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時  
立政至于帝皇遂重熙而累盛遠則襲陰陽之自然近則本  
人物之至情上則崇稽古之弘道下則闡長世之善經庶事  
既康天秩孔明故載祀三三而國富刑清歲三月東巡狩至



於許昌望祠山川考時度方存問高年率民耕桑越六月既望林鍾紀律大火昏正桑梓繁蕪人雨時行三事九司宏儒碩生相與感乎溽暑之伊鬱而慮性命之所平惟岷越之不靜寤征行之未寧乃昌言曰昔在蕭公暨于孫卿皆先識博覽明允篤誠莫不以爲不壯不麗不足以一民而重威靈不飾不美不足以訓後而不厭成故當時享其功利後世賴其英聲且許昌者乃大運之攸戾圖讖之所旌苟德義其如斯夫何宮室之勿營帝曰俞哉玄輅旣駕輕裘斯御乃命有司禮儀是具審量日力詳度費務鳩經始之黎民輯農功之暇豫因東師之獻捷就海孽之賄賂立景福之秘殿備皇居之制度爾乃豐層覆之耽耽建高基之堂堂羅疏柱之汨越肅

坻鄴之鏘鏘飛欄翼以軒翥反宇輒以高躡流羽毛之歲蕤垂瓊玼之琳琅參旗九旒從風飄揚皓皓盱盱丹彩煌煌故其華表則鎬鎬鏘鏘赫奕章灼若日月之麗天也其奧秘則翳蔽曖昧髣髴退慨若幽星之纏連也旣櫛比而攢集又宏璉以豐敞兼苞博落不常一象遠而望之若摘朱霞而耀天文迫而察之若仰崇山而感垂雲嗟瓌瑋以壯麗紛或或其難分此其大較也若乃高覺崔嵬飛宇承霓緜蠻騁壽隨雲融泄鳥企山峙若翔若滯峨峨喋喋罔識所屆雖離朱之至精猶眩曜而不能昭晰也爾乃開南端之豁達張筍虡之輪幽華鍾杙其高懸悍獸伋以儼陳體洪剛之猛毅聲訇礧其若震爰有退狄錄質輪茵坐高門之側堂彰聖主之威神芸



若克庭槐楓被宸綬以萬年粹以紫條或以嘉名取寵或以  
美材見珍結實商秋敷華青春藹藹萋萋馥馥分分爾其結  
構則脩梁彩制下褰上奇桁栝復疊勢合形離絕如宛虹赫  
如奔螭南岫陽榮北極幽崖任重道遠厥庸孔多於是列榱  
形之繡栒垂琬琰之文璫蝟若神龍之登降灼若明月之流  
光爰有禁楸勒分翼張承以陽馬接以圓方斑間賦白疎密  
有章飛柳鳥踊雙轅是荷赴險凌虛獵捷相和皎皎白間離  
離列錢晨光內照流景外燧烈若鉤星在漢渙若雲梁承天  
駟徙增錯轉懸成郭加密倒植吐被芙蓉綠以藻井編以絳  
疏紅葩鞞鞞丹綺離婁齒齒旄翁織縹紛敷繁飾累巧不可  
勝書於是蘭栢積重寶數矩設檝檻各落以相承欒拱天嬌

而交結金櫺齊列丹為承跋青瑱銀鋪是為闔闔雙枚既脩  
重桴乃飾槐栢緣邊周流四極侯衛之班藩服之職溫房承  
其東序涼室處其西偏開建陽則朱炎豔啓金光則清風臻  
故冬不淒寒夏無炎燠鈞調中適可以永年壙垣場基其光  
照照周制自盛今也維縹落帶金鉅此焉一等明珠翠羽往  
往而在欽先王之允塞悅重華之無爲命其工使作績明五  
采之彰施圖象古昔以當箴規椒房之列是準是儀觀虞姬  
之容止知治國之佞臣見姜后之解佩寤前世之所遵賢鍾  
離之讜言懿楚樊之退身嘉班妾之辭葦偉孟母之擇隣故  
將廣智必先多聞多聞多雜多雜眩真不眩焉在在乎擇人  
故將立德必先近仁欲此禮之不魯是以盡乎行道之先民



朝觀夕覽何與書紳若乃階除連延蕭曼雲征榼檻邛張鉤  
錯矩成楮類騰蛇眉似瓊英如螭之蟠如虬之停玄軒交登  
光藻昭明騶虞承獻素質仁形彰大瑞之休顯照遠戎之來  
庭陰堂承北方刺九戶右个清宴東西其宇連以永寧安昌  
臨圃遂及百子後宮攸處處之斯何窈窕淑女思齊徽音聿  
求多祐其祐伊何宜爾孫子克明克哲克聰克敏永錫難老  
兆民賴止於南則有承光前殿賦政之官納賢用能詢道求  
中疆理宇宙甄陶國風雲行雨施品物咸融其西則有左城  
右平講肄之場三對陳殿翼相當僻脫承便蓋象戎兵察  
解言歸警諸政刑將以行令豈惟娛情鎮以崇臺實曰永如  
覆閣重闢猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露漉漉水浩浩  
樹以嘉木植以芳草悠悠玄魚鱗鱗白鳥沈浮翔翔衆我皇  
道若乃虬龍灌注溝洫交流陸設殿館水方輟舟舟粳粳鷗  
鷺瀨戲鯉鮒豐侔淮海富艮山丘叢集委積焉可殫籌雖咸  
池之壯觀夫何足以比儔於是揭以高昌崇觀表以建城峻  
廬峒巖巖岑立崔嵬巒居飛閣干雲浮階乘虛遙目九野遠覽  
長圖俯看三市孰有誰無覩農人之耘耔亮稼穡之艱難惟  
饗年之豐寡思無逸之所歎感物衆而思深因居高而慮危  
惟天德之不易懼世俗之難知觀器械之良窳察俗化之誠  
僞瞻貴賤之所在悟政刑之夷峻亦所以省風助教豈惟盤  
樂而崇侈靡屯方列署二十有二星居宿陳綺錯鱗比辛壬



癸甲爲之名秩房室齊均堂庭如一出此入彼欲反忘術惟  
工匠之多端固萬變之不窮物無難而不知乃與造化乎比  
隆譬天地以開基並列宿而作制制無細而不協於規景作  
無微而或違於水臬故其增構如積植木如林區連域絕葉  
比枝分離背別趣駢田背附縱橫踰延各有攸注公輸若其  
規矩匠石不知其所斲既窮巧於規摹何彩章之未殫爾乃  
文以朱綠飾以碧丹點以銀黃燦以琅玕光明熠燿文彩璘  
璘清風萃而成響朝日曜而增鮮雖崑崙之靈宮將何以呼  
侈旃規矩既應乎天地舉措又順乎四時是以六合元亨九  
有雍熙家懷克讓之風人詠康哉之詩莫不優游以自得故  
淡泊而無所思歷列辟而論功無今日之至治彼吳蜀之漣

滅固可翹足而待之然而聖上猶孜孜靡忒求天下之所以  
自悟招忠正之士開公道之路想周公之昔戒慕咎繇之典  
謨除無用之官省生事之故絕流道之繁禮反人情之太素  
故能翔岐陽之鳴鳳納虞氏之白環蒼龍觀於陂塘龜書出  
於河源醴泉涌於池圃靈芝生於丘園總神靈之貺祐集華  
夏之至歡方四三皇而六五帝會何周夏之足言

海賦

木華

昔在帝媯巨唐之世天網浹滂爲淵爲濼洪濤灑汗萬里無  
際長波漭漭迤迤八裔於是乎禹也乃鑿臨崖之阜陞決陂  
潰而相浹啓龍門之峯嶺墜陵巒而斬鑿羣山既畧百川潛  
漲決濟滄汙騰傾赴勢江河既導萬穴俱流荷拔五嶽竭涸



九州漚滴滲淫蒼蔚雲霧洎流決瀆莫不來注於廓靈海長  
爲委輸其爲廣也其爲怪也宜其爲大也爾其爲狀也則乃  
激淡激漑浮天無岸沖融沆瀣渺瀰濛漫波如連山乍合乍  
散噓噏百川洗滌淮漢襄陵廣島滂瀉浩漭若乃大明撫轡  
於金樞之穴翔陽逸駭於扶桑之津影沙碧石蕩颺島濟於  
是鼓怒溢浪揚浮更相觸搏飛沫起濤狀如天輪膠戾而激  
轉又似地軸挺拔而爭迴岑嶺飛騰而反覆五岳鼓舞而相  
硬涓潰淪而涌潔鬱沓洄迭而降頽盤盪激而成窟湧湍濤而  
爲魁澗泊柏而迤颺磊剝旬而相壓驚浪雷奔駭水迸集閉  
合解會漾漾濕濕葩華敗沮頽潭漑漑若乃霾暄潛銷莫振  
莫疎輕塵不飛纖蘿不動猶尚呀呷餘波獨湧澎澎濤濤礧礧

磊山巖爾具枝峻渾淪勃濤成汜垂鬣屬夷超且萬里若乃  
偏荒速告命急宣飛駿鼓柝汎海凌山於是候勁風揭百  
尺維長綯挂帆席望瀉遠決罔然鳥迹鷗如驚鳧之失侶倏  
如六龍之所掣一越三千不終朝而濟所屆若其負穢臨深  
虛誓愆祈則有海童邀路馬銜當蹊天吳乍見而鬚鬣翹像  
暫曉而閃屍羣妖遣迂眇睇冶夷決帆摧撞戕風起惡廓如  
靈變惚恍幽暮氣似天霄變瓊雲布霞見絕電白色妖露呵  
嗽掩鬱曠眩無度飛滂相礮激勢相泐崩雲屑雨法漉汨汨  
跳蹕湛灤沸潰滄溢漭泆濇泆漑漑蕩雲沃且於是舟人漁子徂  
南極東或屑沒於鼉鼉之穴或挂胃於岑嶽之峰或擊擊洩  
洩於裸人之國或汎汎悠悠於黑齒之邦或乃萍流而浮轉



或因歸風以自反徒談觀怪之多駭乃不悟所歷之近遠爾其大量也則南滄朱崖北灑天墟東演析木西薄青徐經途溲溲萬萬有餘吐雲霓含龍魚隱鯢鱗潛靈居豈徒積太顛之寶貝與隨侯之明珠將世之所收者常聞所未名者若無且希世之所聞惡審其名故可仿像其色變顯其形爾其水府之內極深之庭則有崇島巨壑崢嶸孤亭孳洪波指太清竭磐石棲百靈颺凱風而南逝廣莫至而北征其垠則有天珠水怪鮫人之室瑕石詭暉鱗甲異質若乃雲錦散文於沙汭之際綾羅被光於螺蚌之節繁采揚華萬色隱鮮陽冰不冷陰火潛然煇炭重燔吹烟九泉朱燧綠煙暖眇蟬蛸魚則橫海之鯨突抗孤遊屢巖巖最高濤亦鱗甲吞龍舟翕波則

洪連蹶躅吹滂則百川倒流或乃踰蹙窮波陸死鹽田巨鱗插雲鬢鬣刺天顧骨成嶽流膏爲淵若乃巖坻之隈沙石之嵌毛翼產殼剖卵成禽鳥雛離襪鶴子淋沱羣飛侶浴戲廣浮深翔鷺連軒洩洩淫淫翻動成雷擾翰爲林更相叫嘯詭色殊音若乃三光既清天地融朗不汎陽侯乘躋絕往覲安期於蓬萊見喬山之帝像羣仙縹渺餐玉清涯履阜鄉之畱鳥被羽翮之穆襪翔天沼戲窮溟孰有形於無欲永悠悠以長生且其爲器也包乾之奧括坤之區惟神是宅亦祇是廬何奇不有何怪不備茫茫積流含形內虛曠哉坎德卑以自居弘往納來以宗以都品物類生何有何無

江賦

郭璞



洛五才之並用實水德之靈長惟岷山之導江初發源乎溫  
觴聿經始於洛沫摧萬川乎巴梁衝巫峽以迅激躋江津而  
起漲極泓量而海運狀滔天以森茫總括漢沔兼包淮湘并  
吞沅澧汲引沮漳源一分於岷嶠流九派乎壽陽鼓洪濤於  
赤岸淪餘波乎柴桑網絡羣流商摧涓澮表神委於江都混  
流宗而東會注五湖以漫漶灌三江而滿沛滴汗六州之城  
經營炎景之外所以作限於華裔壯天地之峻介呼吸萬里  
吐納靈潮自然往復或夕或朝激逸勢以前驅乃鼓怒而作  
濤哦嶒爲泉陽之揭下壘作東別之標衡霍岳落以連鎮巫  
廬鬼窟而比嶠協靈通氣漬薄相陶流風蒸雷騰虹揚霄出  
信陽而長邁滌大壑與沃焦若乃巴東之峽復后踰鑿絕岸

萬丈壁立椒駁虎牙喋聳以屹崿荆門闕竦而磐礪圓淵九  
廻以懸騰淪流雷响而電激駭浪暴灑驚波飛薄迅復增澆  
湧湍疊躍砵巖鼓作崩滂泉瀾乘溟漭激瀆濤漫波郭滂皇忽  
決澹澗瀾淪漩濘滌滌濇濇瀑漫減濇浪龍鱗結絡碧沙  
遺灑而往來巨石碑碣以前卻潛演之所汨瀾奔湓之所碾  
錯厓隙爲之泐嘒矜嶺爲之崿岬幽澗積阻巖砢若確若乃  
貫潭之府靈湖之淵澄澹汪洸廣混困滋泓法澗滌涪荆圃  
潯混瀚瀨渙流映揚焔溟淋淋沔汗汗泔泔察之無象尋之  
無邊氣滄泔以霧杳時鬱律其如煙類肝渾之未凝象太極  
之構天長波浹滌峻湍崔嵬盤渦谷轉凌濤山頽陽戾破峨  
以岸起洪瀾泥演而雲廻滔淪宏濩乍沓乍堆敵如地裂豁



若天開觸曲崖以紫繞駭崩浪而相礪鼓冷窟以滿渤乃溢  
湧而駕隈魚則江豚海狝叔鮪上鱣鮪鯨鯢鮫鯨鯨鯢或  
鹿筋象鼻或虎狀龍顏鱗甲錯錯煥爛錦斑揚鬣掉尾噴浪  
飛颺排流呼吟隨波遊延或曝采以見淵或赫鯢乎巖間介  
鯨乘濤以出入鱖鮓順時而往還爾其水物怪錯則有潛鵠  
魚牛虎蛟蝮蛇輪轉蠶蠟鱗龜龜龜龜龜龜龜龜龜龜龜龜  
蠖蚌江鵝螺蛟蝸瓊蛤腹蟹水母目蝦紫蚘如渠洪蚶專車  
瓊蚌晞曜以瑩珠石蛙應節而揚葩蜃蜃森衰以垂翹玄螭  
磈礫而碾啞或泛激於潮波或混淪乎泥沙若乃龍鯉一角  
奇鶻九頭有鼈二足有龜六眸積螿脚躍而吐璣文鮓磨鳴  
以孕珍修螭拂翼而掣耀神蜈蟻蛤以沈遊駉馬騰波以噓

睇水兕雷咆乎陽侯淵客乘室於巖底鮫人構館於懸流電  
布餘糧星離沙鏡青綸疏糾緝組爭吹紫菜焚擘以叢被綠  
苔鬚影乎研上石帆蒙龍以蓋嶼萍實時山而漂泳其下則  
金礦丹礫雲精燭銀瑤瑤瑰水碧潛瑋鳴石列於陽渚浮  
磬肆乎陰濱或頰彩輕漣或煇曜涯鄰林無不潺岸無不津  
其羽族也則有晨鵠天雞鸞鷲鷗鷺陽鳥爰翔于以玄月十  
類萬聲自相喧聒濯翮疏風鼓翅翩翩揮弄灑珠拊拂瀑沫  
集若霞布散如雲霽產能積羽往來勃礪枿枿橫薄於濤浹  
楊棟森嶺而羅峰桃枝篔簹實繁有叢葭蒲雲蔓覆以蘭紅  
揚晴眊擢紫茸蔭潭隩被長江繁蔚芳薜隱藹水松涯灌芊  
葦潛蒼蒼葱龍鯨鯢踰於垠隩猶獵睽瞞乎險空迅唯臨虛



以清子... 而雍容。變指翹蹠。於夕陽。爲雛弄。翻乎山  
東。因... 湖開渠。漱怒生。浦區別。作湖路。之以潔。溼  
之以尾。間標之。以翠。翳泛之。以遊。菰播。匪藝之。芒種。挺自然  
之嘉。蔬鱗。被菱荷。攢布木。菰翹。莖漬。藻濯。穎散。裹隨。風猗。菱  
與波。潭池。流光。潛映。景炎。霞火。其旁。則有雲。夢雷。池。彭象。青  
草。具區。洮。瀾。珠。滄。丹。濤。極。望。數。百。沉。湊。晶。滌。爰。有。包。山。洞。庭。  
巴。陵。地。道。潛。達。穿。通。幽。岫。窈。窕。金。精。玉。瑛。其。裏。瑤。珠。怪。石  
粹。其。表。驪。蚪。穆。其。址。栢。雲。冠。其。嶼。海。童。之。所。巡。遊。琴。高。之。所  
靈。矯。冰。夷。倚。浪。以。傲。曉。江。妃。含。嘯。而。騁。眺。撫。凌。波。而。鳧。躍。吸  
翠。實。而。天。矯。若。乃。宇。宙。澄。寂。八。風。不。翔。舟。子。於。是。擿。棹。涉。人  
於是。橫。榜。漂。飛。雲。運。餘。艘。舳。舻。相。屬。萬。里。連。檣。沂。泗。沿。流。或

漁。或。商。赴。交。益。投。嶂。浪。竭。南。極。窮。東。荒。南。乃。霜。露。侵。於。清。旭。  
峴。五。兩。之。動。靜。長。風。嘯。以。增。扇。廣。莫。鷗。而。氣。整。徐。而。不。駭。疾。  
而不。猛。鼓。帆。迅。越。起。漲。截。河。凌。波。縱。植。電。往。杳。浪。濤。如。晨。霞。  
孤。征。眇。若。雲。真。絕。嶺。倏。忽。數。百。千。里。俄。頃。飛。康。無。以。歸。其。蹤。  
渠。黃。不。能。企。其。景。於。是。蘆。人。漁。子。橫。落。江。山。水。則。羽。褐。食。則  
蔬。蠶。拊。澗。爲。冷。夾。激。羅。筌。筒。瀧。連。鋒。晉。雷。比。船。或。揮。輪。於。懸  
崎。或。中。瀨。而。橫。旋。忽。忘。夕。而。宵。歸。詠。採。菱。以。叩。船。傲。自。足。於  
一。軀。尋。風。波。以。窮。年。爾。乃。域。之。以。盤。巖。豁。之。以。洞。壑。疏。之。以  
池。汜。鼓。之。以。朝。夕。川。流。之。所。歸。湊。雲。霧。之。所。蒸。液。珍。怪。之。所  
化。產。瑰。奇。之。所。窟。宅。納。隱。淪。之。列。真。挺。異。人。乎。精。魄。播。靈。潤。  
於。千。里。越。俗。宗。之。觸。石。及其。譎。變。儵。恍。符。符。非。一。動。應。無。方。



感事而出。經紀天地。錯綜人術。妙不可盡。之於言。事不可窮。之於筆。若乃岷精垂曜於東井。陽侯遞形乎大波。奇相得道。而宅神。乃協靈爽於湘娥。駭黃龍之負舟。識伯禹之仰嗟。壯荆飛之擒蛟。終成氣乎太阿。得要離之圖。慶在中流。而推戈。悲靈均之任石。歎漁父之權歌。想周穆之濟師。驅八駿於龍。龍感交甫之喪珮。慙神使之嬰羅。煥人塊之流形。混萬盡於一科。保不虧而永固。稟元氣於靈和。考川瀆之妙觀。實莫著於江河。

風賦

宋玉

楚襄王遊於蘭臺之宮。宋玉則差侍。有風颯然而至。王乃披襟而當之。曰。快哉此風。寡人所與。庶人共者。抑宋玉對曰。此

獨大王之風耳。庶人安得而共之。上曰。夫風者。天地之氣。溥暢而至。不擇貴賤。高下而加焉。今子獨以爲寡人之風。豈有說乎。宋玉對曰。臣聞於師。枳句來巢。空穴來風。其所託者然。則風氣殊焉。王曰。夫風始安生哉。宋玉對曰。夫風生於地。起於青蘋之末。侵淫谿谷。盛怒於土囊之口。緣太山之阿。舞於松柏之下。飄忽湖海。激颺燦怒。眩眇雷聲。迴穴錯迕。歷石伐木。梢殺林莽。至其將衰也。被麗披離。衝孔動捷。駒渙燦爛。離散轉移。故其清涼雄風。則飄舉升降。乘凌高城。入于深宮。邸華葉而振氣。徘徊於桂椒之間。翱翔於激水之上。將擊芙蓉之精。獵蕙草。離秦蘅。擊新夷。被稊楊。迴穴衝陵。蕭條衆芳。然後倘佯中庭。北上玉堂。躋于羅帷。經于洞房。迴得爲大王之



風也。故其風中人，狀直慳悽惻。清涼增秋，清冷愈病。析醒發明耳目，寧體便人。此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，塢然起於窮巷之間，墮埃揚塵，勃鬱煩冤，衝孔襲門，動沙堞，吹死灰，曠溷濁，揚腐餘，邪薄入寢，靡至於室廬。故其風中人，狀直慳，溷鬱邑，毆溫致溼，中心慘怛，生病造熱，中脣為殄，得目為眦，噴瀾嗽獲，死生不卒。此所謂庶人之雌風也。

秋興賦 并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景罕曠，埀蜩尾而襲，執紼之士，此焉遊處。僕野人也，偃息不過茅屋茂林之下，談

話不過農夫田父之客，攝官承乏，猥廁朝列，以典晏寢，匪違底寧，譬猶池魚籠鳥，有江湖山藪之思。於是染翰操紙，慨然而賦。于時秋也，故以秋興命篇。其辭曰：

四運忽其代序，兮萬物紛以廻薄。覽花時之特育，兮察盛衰之所託。感冬索而春敷，兮嗟夏茂而秋落。雖末士之榮悴，兮伊人情之美惡。善乎宋玉之言曰：悲哉！秋之爲氣也。蕭瑟兮，草木搖落而變衰。慘慄兮，若在遠行。登山臨水，送將歸夫。送歸懷慕，徒之戀兮。遠行有羈旅之憤，臨川感流以歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡。野有歸燕，隰有翔隼。游氛朝興，槁葉夕隕。於是乃解輕篋，釋纖絺，藉莞蒹，御袷衣。庭樹撼以灑落。



兮勁風戾而吹帷。蟬嘒嘒以寒吟兮。鴈飄飄而南飛。天晃朗以霜高兮。日悠揚而浸微。何微陽之短晷。覺涼夜之左移。月靡靡以含光兮。露淒清以凝冷。熠燿繁於階闔兮。蟋蟀鳴乎軒屏。聽離鴻之晨吟。望流火之餘景。宵吹介而不寐兮。獨展轉於華省。悟時歲之邁盡兮。慨俛首而自省。瑣鬢彪以承弁兮。素髮颯以垂領。仰羣儔之逸軌兮。攀雲漢以遊騁。登春臺之熙熙兮。珥金貂之炯炯。苟趣舍之殊途兮。庸詎識其踪跡。聞至人之休風兮。齊天地於一指。彼知安而忘危兮。固出生而入死行。投趾於容跡兮。殆不踐而獲底。闕側足以及泉兮。雖猴援而不履。龜庇骨於宗桃兮。思反身於綠水。且歛衽以歸來兮。忽投絨以高厲。耕東臯之沃壤兮。輸黍稷之餘稅。泉涌滂於石間兮。射揚芳乎崖瀝。淥秋水之涓涓兮。玩游鯈之澈澈。逍遙乎山川之間。放曠乎人間之世。優哉游哉。聊以卒歲。

雪賦

謝惠連

歲將暮時。既昏寒風積。愁雲繁。梁王不悅。遊於兔園。乃置旨酒。命賓友召鄒生。延枚叟。相如未至。居客之右。俄而微霰零。密雪下。王乃歌。北風於衛詩。詠南山於周雅。授簡於司馬大。夫曰。拙子秘思。騁子妍辭。侔色揣稱。為寡人賦之。相如於是。避席而起。逡巡而揖曰。臣聞雪宮建於東國。雪山峙於西域。岐昌發詠於來思。姬滿申歌於黃竹。曹風以麻衣比色。楚語以幽蘭。雁曲盈尺。則呈瑞於豐年。表丈則表沴於陰德。雪之



時義遠矣哉。請言其始。若乃玄律窮嚴。氣升焦溪。澗湯谷。凝  
火井。滅溫泉。冰沸潭。無湧炎風。不與北戶。墜屏。裸壤垂霜。於  
是河海生雲。朔漠飛沙。連氛累霄。掩日。朝霞。霰浙瀝。而先集。  
雪紛糅。而遂多。其爲狀也。散漫交錯。氛氳蕭索。蕭蕭浮浮。漉  
漉奕奕。聯翩飛灑。徘徊委積。始緣毫而冒棟。終開簾而入隙。  
初嫩娟於墀廡。未繁盈於帷席。旣因方而爲珪。亦遇圓而成  
璧。眇隰則萬頃同縞。瞻山則千巖俱白。於是臺如重壁。逵似  
連璐。庭列瑤階。林挺瓊樹。皓鶴奪鮮。白鷗失素。紈袖慙冷。玉  
顏掩媿。若乃積素未虧。白日朝鮮。爛兮若燭。龍銜耀。照崑山。  
爾其流滴垂冰。緣雷承隅。繁兮若馮夷剖蚌。列明珠。至夫綴  
紛繁。鷲之貌。皓汗綠。深之餓。迴散繁。積之勢。飛聚凝。曜之奇。

固展博而無窮。嗟難得而備知。若乃中娛玩之無已。夜幽靜  
而多懷。風觸楹而轉響。月承幌而通輝。酌湘吳之醇酎。御狐  
貉之兼衣。對庭鷗之雙舞。瞻雲鴈之孤飛。折園中之萱草。擿  
階上之芳薇。踐霜雪之交積。憐枝葉之相違。馳遙思於千里。  
願接手而同歸。鄒陽聞之。憑然心服。有懷妍唱。敬按末曲。於  
是乃作而賦積雪之歌。歌曰。攜佳人兮披重帷。援綺衾兮坐  
芳褥。燎薰爐兮炳明燭。酌桂酒兮揚清曲。又續而爲白雪之  
歌。歌曰。曲旣揚兮酒旣陳。朱顏醜兮思自親。願低帷以昵枕。  
念解珮而褫紳。怨年歲之易暮。傷後會之無因。君寧見階上  
之白雪。豈鮮耀於陽春。歌卒。王乃尋繹吟詠。撫覽扼腕。顧謂  
枚叔起而爲亂。亂曰。白羽雖白。質以輕兮。白玉雖白。空守貞。



今未若茲雪。因時興滅。玄陰凝不味。其潔太陽曜。不固其節。節豈我名。潔豈我良。憑雲升降。從風飄零。植物賦像。任地班形。素因遇立。污隨染成。縱心恬然。何慮何營。

月賦

謝莊

陳王初喪。應劉端憂。多暇。綠苔生閣。芳塵凝榭。悄焉疚懷。不怡。白夜乃清。蘭路肅。桂苑騰吹。寒山弭蓋。秋坂臨瀆。整而怨。遙登崇岫。而傷遠。于時斜漢左界。北陸南曜。白露曖空。素月流天。沈吟齊章。殷勤陳篇。抽毫進牘。以命仲宣。仲宣跪而稱曰。臣東鄙幽介。長自丘樊。味道情學。孤奉明恩。臣聞沈潛。既義高明。既經日以。陽德。月以。陰靈。擅扶光於東沼。嗣若英於西冥。引玄兔於帝臺。集素娥於后庭。朧朧魄魄。示冲順。

辰通燭從。星澤風增。華台室揚彩。軒宮委照。而吳業昌。淪精而漢道融。若夫氣霽地表。雲歛天末。洞庭始波。木葉微脫。菊散芳於山椒。鴈流哀於江瀨。升清質之悠悠。降澄暉之藹藹。列宿掩緝。長河韜映。柔祇雪凝。圓靈水鏡。連觀霜縞。周除冰淨。君王乃厭晨歡。樂宵宴。收妙舞。弛清縣。去燭房。卽月殿。芳酒登鳴琴。薦若乃涼夜自淒。風篁成韻。親謔莫從。羈孤遞進。聆臯禽之夕聞。聽朔管之秋引。於是絃桐練響。音容逸和。徘徊房露。惆悵陽阿。聲林虛籟。淪池滅波。情紆軫。其何託。想皓月而長歌。歌曰。美人邁兮音塵闕。隔千里兮共明月。臨風歎兮將焉歇。川路長兮不可越。歌響未終。餘景就畢。滿堂變容。迴遑如失。又稱歌曰。月既沒兮露欲晞。歲方晏兮無與歸。佳



期可以還微霜霑人衣。陳王曰善。乃命執事獻壽。羞璧。敬佩王音。復之。無斃。

鵬鳥賦 并序

賈誼

誼爲長沙王傅。三年有鵬鳥飛入。誼舍止於坐隅。鵬似鴉不祥鳥也。誼旣以謫居。長沙卑濕。誼自傷悼。以爲壽不得長。乃爲賦以自廣。其辭曰。

單闕之歲兮。四月孟夏。庚子日斜兮。鵬集余舍。止於坐隅兮。貌甚閑暇。異物來萃兮。私怪其故。發書占之兮。識言其度。曰。野鳥入室。主人將去。請問于鵬。余去何之。吉乎告我凶言。其災淹速之度兮。語余其期。鵬廼歎息。舉首奮翼。口不能言。請對以臆。曰。萬物變化兮。固無休息。幹流而遷兮。或推而還。形

氣轉續兮。變化而壇。沕穆無窮兮。胡可勝言。禍兮福所倚。福兮禍所伏。憂喜聚門兮。吉凶同域。彼吳疆大兮。夫差以敗。越棲會稽兮。句踐霸世。斯遊遂成兮。卒被五刑。傳說胥靡兮。乃相武丁。夫禍之與福兮。何異糾纏。命不可說兮。孰知其極。水激則悍兮。矢激則遠。萬物回薄兮。振盪相轉。雲蒸雨降兮。糾錯相紛。大鈞播物兮。塊圪無垠。天不可預慮兮。道不可預謀。遲速有命兮。焉識其時。且夫天地爲鑑兮。造化爲工。陰陽爲炭兮。萬物爲銅。合散消息兮。安有常則。千變萬化兮。未始有極。忽然爲人兮。何足格搏。化爲異物兮。又何足患。小智自私兮。賤彼貴我。達人觀兮。物無不可。貪夫徇財兮。烈士殉名。夸者死權兮。品庶每生。休迫之徒兮。或趨西東。大人不曲兮。



意變齊同。愚士繫俗兮。窘若囚拘。至人遺物兮。獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翱翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自寶兮。養空而浮。德人無累兮。知命不憂。細故蒂芥兮。何足以疑。

鸚鵡賦 并序

稱衡

時黃祖太子射賓客大會。有獻鸚鵡者。舉酒於衡前曰。爾處士。今日無用。娛賓竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥。挺自然之奇姿。體金精之妙質。含火德之明輝。性辯慧而能言兮。才聰明以識機。故其嬉遊高峻。栖時幽深。飛不妄集。翔必擇林。紺趾丹背。綠衣翠衿。采采麗容。咬咬好音。雖同族於羽毛。固殊智而異心。配鸞皇而等美。爲比德於衆禽。於是美芳聲之遠暢。偉靈表之可嘉。命虞人於隴坻。詔伯益於流沙。跨崑崙而播弋。冠雲霓而張羅。雖網維之備設。終一目之所加。且其容止閑暇。守植安停。逼之不懼。撫之不驚。寧順從以遠害。不違忤以喪生。故獻全者受賞。而傷肌者被刑。爾乃歸窮委命。離羣喪侶。閉以彫籠。翦其翅羽。流飄萬里。崎嶇重阻。踰岷越嶂。載雁寒暑。女辭家而適人。臣出身而事主。彼賢哲之逢患。猶棲遲以羈旅。矧禽鳥之微物。能馴



擾以安處眷西路而長懷望故鄉而延佇村陋體之羸瘵亦  
何勞於鼎俎嗟祿命之衰薄奚遭時之險巖豈言語以階亂  
將不密以致危痛母子之永隔哀伉儷之生離匪餘年之足  
惜愍衆雜之無知背蠻夷之下國侍君子之光儀懼名實之  
不副恥才能之無奇羨西都之沃壤識苦樂之異宜懷代越  
之悠思故每言而稱斯若乃少昊司長壽收整轡嚴霜初降  
涼風蕭瑟長吟遠慕哀鳴感類音聲悽以激揚容貌慘以顛  
頽聞之者悲傷見之者隕淚放臣爲之屢歎棄妻爲之歔歔  
感平生之遊處兮若墮旒之相須何今日之兩絕若胡越之  
異區順權楹以俯仰闔戶牖以踟躕想崑山之高嶽思鄧林  
之扶疏顧六幽之殘毀雖奮迅其焉如心懷歸而弗果徒怨  
壽於一隅苟竭心於所事敢背惠而忘初託輕鄙之微命委  
陋賤之薄軀期守死以報德甘盡辭以效愚恃隆恩於既往  
庶彌久而不渝

鷓鴣賦 并序

張華

鷓鴣小鳥也。生於蒿萊之間。長於藩籬之下。翔集尋常之內。  
而生生之理足矣。色淺體陋。不爲人用。形微處卑。物莫之害。  
繁滋族類。乘居匹遊。翩翩然有以自得。被鷲鷂鷓鴣。孔雀翡翠。  
翠或陵赤霄之際。或託絕垠之外。翰舉足以冲天。背距足以  
自衛。然皆負矰嬰繳。羽毛入貢。何者有用於人也。夫言有淺  
而可以託深。類有微而可以喻大。故賦之云爾。

何造化之多端兮。播羣形於萬類。惟鷓鴣之微禽兮。亦攝生



而受氣育。翩翩之陋體。今無玄黃以自貴。毛弗施於器用。令肉不登乎俎。味鷹鷂過。猶俄翼。今尚何懼於置罟。翳苔蒙籠。是焉遊集。飛不飄颺。翔不翕習。其居易容。其求易給。巢林不過一枝。每食不過數粒。栖無所滯。遊無所盤。匪陋荆棘。匪榮藍蘭。動翼而逸。投足而安。委命順理。與物無患。伊茲禽之無知。分何處身之似。智不懷寶。以賈害。今不飾表以招累。靜守約而不矜。動因循以簡易。任自然以爲資。無誘慕於世。儻雕鵠介其背。距鵠鷺軼於雲際。鷓鴣竄於幽險。孔翠生乎遐裔。彼晨鳧與歸鴈。又矯翼而增逝。成美羽而豐肌。故無罪而皆斃。徒銜蘆以避繳。終爲戮於此世。蒼鷹鷂而受縲。鸚鵡惠而入籠。屈猛志以服養塊。幽繫於九重。變音聲以順旨。思推翮

而爲庸。戀鍾岱之林野。慕隴坻之高松。雖蒙幸於今日。未若疇昔之從容。海鳥鷓鴣。避風而至。條枝巨雀。踰嶺自致。提挈萬里。飄颺通畏。夫唯體大妨物。而形瓌足肆也。陰陽陶蒸。萬品一區。巨細舛錯。種繁類殊。鶴蟻巢於蚊睫。大鵬彌乎天隅。將以上方不足。而下比有餘。普天壤以遐觀。吾又安知其小大之所如。

赭白馬賦

并序

顏延之

驥不稱力。馬以龍名。豈不以國上威容。軍馱趨迅。而已實有騰光吐圖。疇德瑞聖之符焉。是以語崇其靈。世榮其至。我高祖之遺宋也。五方率職。四隩入貢。秘寶盈於玉府。文駒列乎華廡。乃有乘輿赭白。特稟逸異之姿。妙簡帝心。用錫聖阜。服



御順志馳驟合度。齒歷雖衰而藝美不忒。襲養兼年。恩隱周  
渥。歲老氣殫。罄于內棧。少盡其力。有側上仁。乃詔陪侍。奉述  
中旨。末臣庸蔽。敢同獻賦。其辭曰。

維宋二十有二載。盛烈光乎重業。武義粵其肅陳。文教迄已  
優洽。秦階之平可升。與王之軌可接。訪國美於舊史。考方載  
於往牒。昔帝軒陟位。飛黃服。皇后唐膺錄。赤文候日。漢道亨  
而天驥呈才。魏德懋而澤馬效質。伊逸倫之妙足自前代。而  
間出並榮光於瑞典。登郊歌乎司律。所以崇衛威神。扶護警  
蹕。是用精曜叶從。靈物咸秩。暨明命之初基。齋九區而率順  
有異。險以稟朔。或踰遠而納賚。聞王會之阜昌。知函夏之克  
初。總六服以收賢。掩七戎而得駿。蓋乘風之淑類。實先景之

洪胤。故能代駿象輿。歷配鉤陳。齒筭延長。聲價隆振。信聖祖  
之蕃錫。畱皇情而驟進。徒觀其附筋樹骨。垂梢植髮。雙瞳夾  
鏡。兩權協月。異體峰生。殊相逸發。超據絕夫。塵轍驅驚心於  
滅沒。簡偉塞門。獻狀絳闕。且刷幽燕。晝秣荆越。教敬不易之  
典。訓人必書之舉。惟帝惟祖。爰遊爰豫。飛轡軒以戒道。環駁  
騎而清路。勒五營使。案部聲八鑿。以節步具。服金組兼節。丹  
膺寶鏡。星纏鏤章。霞布進迫。遮迺却屬。輦路欵聳。摧以鴻驚。  
時濩畧而龍翥。強雄姿以奉引。婉柔心而待御。至於露滋月  
肅。霜戾秋登。王子興言。闡肆威稜。臨廣望坐百層。料武藝品  
驍騰。流藻周施。和鈴重設。睨影高鳴。將超中折。分馳迴塲。肉  
壯永埒。別輩越羣。絢練復絕。捷趨夫之敏手。促華鼓之繁節。



經玄蹄而電散。歷素支而冰裂。膺門沫精。汗溝走血。跪述廻  
唐畜怒未洩。乾心降而微怡。都人仰而朋悅。妍變之態既畢。  
爰遠之氣方屬。踴鑣轡之牽制。監通都之圍束。眷西極而驤  
首。望朔雲而蹀足。將使紫鸞駢衡。綠虵衛轂。織驪接趾。秀騏  
齊。丁覲王母於崑崙。帝臺於宣嶽。跨中州之轅述。窮神行  
之軌。躅然而盤于遊畋。作鏡前王。肆於人上。取悔義方。天子  
乃輟駕。廻慮息徒。解裝鑿武穆憲。文光振民隱。修國章。戒出  
豕之敗御。惕飛鳥之時衡。故祗慎乎所常。忽敬備乎所未防。  
輿有重輪之安。馬無泛駕之佚。處以濯龍之奧。委以紅粟之  
秩。服養知仁。從老得卒。加弊帷收仆質。天情周皇恩。畢亂曰。  
惟德動天。神物儀兮。於時驅駸。充階街兮。稟靈月駟。祖雲螭

兮。雄志倜儻。精權奇兮。既剛且淑。服讖騶兮。効足中黃。狗驅  
馳兮。願終惠養。蔭本枝兮。竟先朝露。長委離兮。

舞鶴賦

鮑照

散幽經以驗物。偉胎化之仙禽。鍾浮曠之藻質。抱清逸之明  
心。指蓬壺而翻翰。望崑閬而揚音。而日域以廻鶩。窮天步而  
高尋。踐神區其既遠。積靈祀而方多。精含丹而星曜。頂凝紫  
而煙華。引貪吭之纖婉。頓脩趾之洪姱。疊霜毛而弄影。振玉  
羽而臨霞。朝戲於芝田。夕飲乎瑤池。厭江海而遊澤。掩雲羅  
而見羈。去帝鄉之岑寂。歸人寰之喧卑。歲崢嶸而愁暮。心惆  
悵而及離。於是窮陰殺節。急景周年。涼沙振野。箕風動天。嚴  
嚴苦霧。皎皎悲泉。冰塞長河。雪滿羣山。旣而氣昏夜歇。景物



澄廓星翻。漢迴曉月將落。感寒雞之早晨。憐霜雁之連漠。臨  
驚風之蕭條。對流光之照灼。歎清響於丹墀。舞飛容於金閣。  
始連軒以鳳踏。終宛轉而龍躍。躑躅徘徊。振迅騰摧。驚身逢  
集。矯翅雲飛。離網別赴。合緒相依。將與中止。若在而歸。風杳  
矜顧。遷延遲暮。逸翮後塵。翔翥先路。指會規翔。臨岐知步。態  
有遺妍。貌無停趣。奔機逗節。角睐分形。長揚緩鷲。並翼連聲。  
輕迹凌亂。浮影交橫。衆變繁交。參差游密。煙交霧凝。若無毛  
質。風去雨還。不可談悉。既散寬而盪目。迷不知其所之。忽星  
離而雲罷。整神容而自持。仰天居之崇絕。更惆悵以驚思。當  
是時也。燕姬色沮。巴童心耻。巾拂兩停。九劍雙止。雖邯鄲其  
敢倫。豈陽阿之能擬。入衛國而乘軒。出吳都而領市。守馴養  
於千齡。結長悲於萬里。

幽通賦

班固

系高瓊之玄冑。分氏中葉之炳靈。飄凱風而蟬蛻。分雄朔野  
以鸞聲。皇十紀而鴻漸。分有羽儀於上京。巨滔天而泯夏。分  
考遺愍以行謠。終保已而貽則。分里上仁之所履。懿前烈之  
純淑。分窮與達其必濟。咨孤蒙之眇眇。分將圯絕而罔階。豈  
余身之足殉。分違世業之可懷。靖潛處以永思。分經日月而  
彌遠。匪黨人之敢拾。分庶斯言之不玷。竟晃晃與神交。分精  
誠發於宵寐。夢登山而迥眺。分覲幽人之髣髴。攬葛藟而授  
余兮。眷峻谷日勿墜。物明寤而仰思。分心矇矇猶未察。黃神  
邈而靡質。分儀遺識以臆對。日乘高而選神。分道遐通而不



遠葛繇繇於樛木兮。詠南風以爲綏。蓋惴惴之臨深兮。乃二雅之所祗。既訊爾以吉象兮。又申之以炯戒。蓋孟晉以迨羣兮。辰儵忽其不再。承靈訓其虛徐兮。佇盤桓而且俟。惟天地之無窮兮。鮮生民之晦在紛屯。適與蹇連兮。何艱多而知寡。上聖迂而後拔兮。豈羣黎之所御。昔衛叔之御昆兮。昆爲寇而喪予。管彎弧欲斃讐兮。讐作后而成已。變化故而相詭兮。孰云預其終始。雍造怨而先賞兮。丁縣惠而被戮。栗取弔于道吉兮。王膺慶於所處。叛迴定其若茲兮。北叟頗識其倚伏。單治裏而外周兮。張修禲而內適。事申餘爲庶幾兮。顏與冉又不得溺招路以從已兮。謂孔氏猶未可安。惛惛不蕪兮。卒隕身乎世禍。遊聖門而靡救兮。雖覆醢其何補。固行行之必凶兮。免盜亂爲賴道。形氣發於根柢兮。柯葉隳而零茂。恐魍魎之責景兮。羌未得其云已。黎淳耀於高辛兮。羊彊大於南汜。羸取威於百儀兮。姜本支乎三趾。既仁得其信然兮。仰天路而同軌。東鄰虐而殲仁兮。王合位乎三五。戎女烈而喪孝兮。伯徂歸於龍虎。發還師以成命兮。重醉行而自親。震鱗濳於夏庭兮。匪三正而滅姬。異羽化乎宜宮兮。彌五辟而成災。道脩長而世短兮。夙冥默而不周。胥仍物而鬼誅兮。乃窮宙而達幽。鳩巢姜於孺筮兮。且筭祀於笑龜。宣曹典敗於下夢兮。魯衛名謚於銘誥。妣吟而効石兮。許相理而鞠條。道混成而自然兮。術同原而分流。神先心以定命兮。命隨行以消息。幹流遷其不濟兮。故遭罹而羸縮。三樂同於一體兮。雖移



易而不忒，洞參差其紛錯兮。斯衆兆之所惑，周賈盪而貢憤兮。齊死生與禍福，抗爽言以矯情兮。信畏獲而忌鵬，所貴聖人至論兮。順天性而斷誰物，有欲而不居兮。亦有惡而不避，守孔約而不貳兮。乃輔德而無累，三仁殊於一致兮。夷惠外而齊聲，木偃息以蕃魏兮。申重譴以存荆，紀焚躬以衛上兮。皓願志而弗傾，侯草木之區別兮。苟能實其必榮，要歿世而不朽兮。乃先民之所程，觀天網之結覆兮。實悲謔而相訓，謨先聖之大猷兮。亦鄰德而助信，虞韶美而儀鳳兮。孔忘味於千載，素文信而底麟兮。漢寶祚于異代，精通靈而感物兮。神動氣而入微，養流睇而猿號兮。李虎發而石開，非精誠其焉通兮。苟無實其孰信，操末技猶必然兮。矧耽躬於道真，登孔

昊而上下兮。緯羣龍之所經，朝貞觀而夕化兮。猶誼已而遺形，若胤彭而借老兮。訴來哲而通情，亂曰：天造草昧，立性命兮。復心弘道，惟聖賢兮。渾元運物流，不處兮。保身遺名，民之表兮。舍生取誼，亦道用兮。憂傷天物，黍莫痛兮。皓爾太素，曷渝色兮。尚越其幾，淪神域兮。

思玄賦

張衡

仰先哲之玄訓兮，雖彌高而弗逮。匪仁里其焉宅兮，匪義跡其焉追。潛服膺以永靖兮，緜日月而不衰。伊中情之信脩兮，慕古人之貞節。竦余身而順止兮，遵繩墨而不跌。志搏搏以應懸兮，誠心固其如結。旌性行以製珮兮，佩夜光與瓊枝。繼幽蘭之秋華兮，又綴之以江蘼。美襲積以酷烈兮，允塵颯而



難虧既姱麗而鮮雙兮非是時之攸珍奮余榮而莫見兮播  
余香而莫聞幽獨守此側陋兮敢怠逸而舍勤幸二八之選  
虞兮嘉傳說之牛殷尚前良之遺風兮惆後辰而無及何孤  
行之杳杳兮子不羣而介立感鸞鷖之特棲兮悲淑人之希  
合彼無合其何傷兮患衆僞之冒真旦獲譴于羣弟兮啓金  
滕而後信覽蒸民之多僻兮畏立辟以危身曾煩毒以迷惑  
兮嗟孰可以爲言已私湛憂而深懷兮思續紛而不理願竭  
力以守義兮雖貧窮而不改執雕虎而試象兮怙焦原而跟  
止庶斯奉趾以周旋兮要既死而後已俗遷渝而事化兮泯  
規矩之圓方寶蕭艾於重笥兮謂蕙芷之不香斥西施而弗  
御兮繫騶裏以服箱行頗僻而獲志兮循法度而離殃惟天  
地之無窮兮何遭遇之無常不抑操而苟容兮譬臨河而無  
航欲巧笑以干媚兮非余心之所嘗襲溫恭之黻衣兮被禮  
義之繡裳辨貞亮以爲鞶兮雜伎藝以爲珩昭綵藻以瑯璈  
兮璜聲遠而彌長淹棲遲以恣欲兮曜靈忽其西藏恃已知  
而華予兮題鳩鳴而不芳其一十年之三秀兮邁白露之爲霜  
時疊疊而代序兮疇可與乎比伉咨妬媿之難並兮想依韓  
以流亡恐漸冉而無成兮畱則蔽而不彰心猶豫而狐疑兮  
卽岐趾而臚情文君爲我端著兮利肥遞以保名歷衆山以  
周流兮真迅風以揚聲一女感於崇嶽兮或冰折而不管天  
蓋高而爲澤兮誰云路之不平勗自彊而不息兮蹈玉階之  
嶢崢懼筮氏之長短兮鑽東龜以觀禎遇九臯之介鳥兮怨



素意之不呈遊塵外而管天兮據冥翳而哀鳴鵬鷲競於貪  
婪兮我修潔以益榮子有故於玄鳥兮歸母氏而後寧占既  
吉而無悔兮簡元辰而俶裝旦余沐於清源兮歸余髮於朝  
陽漱飛泉之漚液兮咀石菌之流英翺鳥舉而魚躍兮將往  
走乎八荒過少皞之窮野兮問三丘于句芒何道真之淳粹  
兮去穢累而影輕登蓬萊而容與兮鼇雖抃而不傾留瀛洲  
而採芝兮聊且以乎長生憑歸雲而遐逝兮夕余宿乎扶桑  
飲青岑之玉醴兮餐沆瀣以爲糧發昔夢於木禾兮穀崑崙  
之高岡朝吾行於暘谷兮從伯禹乎稽山嘉羣神之執玉兮  
疾防風之食言指長沙以邪徑兮存重華乎南鄰哀一妃之  
未從兮翩續處彼湘濱流日眺夫衡阿兮觀有黎之圯墳痛

火正之無懷兮託山坡以孤蒐愁鬱鬱以慕遠兮越卬州而  
遊遨躋日中于昆吾兮憇炎火之所陶揚芒熛而絳天兮水  
泫泫而涌濤溫風翕其增熱兮怒鬱悒其難聊願羈旅而無  
友兮余安能乎留茲顧金天而歎息兮吾欲往乎西嬉前祝  
融而使舉麾兮纏朱鳥以承旗驅建木於廣都兮撫若華而  
躊躇超軒轅於西海兮跨汪氏之龍魚聞此國之千歲兮曾  
焉足以娛余思九土之殊風兮從蓐收而遂徂歛神化而蟬  
蛻兮朋精粹而爲徒蹶白門而東馳兮云台行乎中野亂弱  
水之潺湲兮逗華陰之滯渚號馮夷俾清津兮擢龍舟以濟  
予會帝軒之未歸兮悵倘佯而延佇泗河林之萋萋兮俾關  
雎之戒女黃靈詹而訪命兮參天道其焉如日近信而遠疑



效選正外 卷之三  
分六籍闕而不書神遠味其難覆兮。疇克謨而從諸牛哀病  
而成虎兮。雖逢昆其必噬龍兮。殪而尸亡兮。取蜀禪而引世  
死生錯其不齊兮。雖司命其不聊寶號行於代路兮。後膺祚  
而繁廡王肆侈於漢庭兮。卒銜恤而絕緒尉有眉而郎潛兮。  
逮三葉而遭武董弱冠而司袞兮。設王隧而弗處夫吉凶之  
相仍兮。恒反側而靡所移。屆天以悅牛兮。豎亂叔而幽主文  
斷法而忌伯兮。闕講賊而寧后。通人聞於好惡兮。豈昏惑而  
能剖。臍擿識而戒胡兮。備諸外而發內。或輦賄而違車兮。孕  
行。而爲對慎。寵顯以言天兮。占水火而妄誣。梁叟患夫黎  
丘兮。丁厥子而判刃。親所睨而弗識兮。矧幽冥之可信。無縣  
攀以倖已兮。思百憂以自疹。彼天監之孔明兮。用斐忱而祐

仁。湯蠲體以禱祈兮。蒙厖祝以拯民。景三慮以營國兮。焚惑  
次於他辰。魏顆亮以從治兮。鬼亢回以斃秦。咎繇邁而種德  
兮。樹德懋于英。六乘未寄夫根生兮。卉旣凋而已育。有無言  
而不酬兮。又何往而不復。盡遠迹以飛聲兮。孰謂時之可蓄。  
仰矯首以遙望兮。竟傲憫而無儔。逼區中之隘陋兮。將北度  
而宣游。行積冰之皚皚兮。清泉汨而不流。寒風凌其永至兮。  
拂穹岫之騷騷。玄武縮于殼中兮。騰蛇蜿而自糾。魚於鱗而  
并凌兮。鳥登木而失條。坐太陰之屏室兮。慨含秋而增愁。怨  
高陽之相寓兮。曲顯頊而宅幽庸。織路於四裔兮。斯與彼其  
何。廖望寒門之絕垠兮。縱余絳乎不周。迅姦瀟其騰我兮。鷺  
翩飄而不禁。越谿壑之洞穴兮。漂通川之砾砾。經重陰乎寂



寔兮。慙墳羊之深潛。追荒忽於地底兮。軼無形而土浮。出石  
密之閭野兮。不識蹊之所由。速燭龍兮。執炬兮。過鍾山而中  
休。瞰瑤谿之赤岸兮。弔祖江之見劉。聘王母於銀臺兮。羞玉  
芝以療飢。戴勝慙其既歡兮。又謂余之行遲。載太華之玉女  
兮。召洛浦之處妃。咸效麗以盡媚兮。增媵眼而娥眉舒。眇婧  
之纖腰兮。揚雜錯之桂微。離朱脣而微笑兮。頰的皪以遺光。  
獻環珉與琛縞兮。申厥好以玄黃。雖色豔而賂美兮。志浩蕩  
而不嘉。雙材悲於不納兮。並詠詩而清歌。歌曰。天地網緼百  
卉含葩。鳴鶴交頸。睢鳩相和。逮子懷春。精魂回移。如何淑明  
忘我。實多將答賦而不暇兮。爰整駕而亟行。瞻崑崙之巍巍  
兮。臨滎河之洋洋。伏靈龜以負坻兮。且哺龍之飛梁。登閩風

之層城兮。構不死而爲牀。屑瑤藥以爲糝兮。斟白水以爲漿。  
抨巫咸以占夢兮。乃貞吉之元符。符滋令德於正中兮。含嘉秀  
以爲敷。旣垂穎而顧本兮。亦要思乎故居。安和靜而隨時兮。  
姑純懿之所廬。戒庶僚以夙會兮。僉供職而並迓。曹隆軒其  
震震兮。列缺擘其照夜。雲師驟以交集兮。凍雨沛其灑途。轆  
瑁輿而樹葩兮。擾應龍以服輅。百神森其備從兮。屯騎羅而  
星布。振余袂而就車兮。修劔揭以低昂。冠岌岌其映蓋兮。佩  
琳纚以輝煌。僕夫儼其正策兮。八乘騰而起驥。氛旌浴以天  
旋兮。蜺旌飄以飛颺。撫軹軻而還睨兮。心勺滌其若湯。羨上  
都之赫戲兮。何迷故而不忘。左青瑤以健芝兮。右素威以司  
鉦。前長離使拂羽兮。後委水衡乎玄冥。屬箕伯以函風兮。澄



洪恣而爲清曳雲旗之離離兮鳴玉鸞之譽譽涉清霄而升  
遐兮浮蟻蠊而上征紛翼翼以徐戾兮焱回回其揚靈叫帝  
關使闢扉兮覲天皇於瓊宮聆廣樂之九奏兮展洩洩以彤  
彤考治亂於律均兮意建始而思終惟般逸之無斁兮懼樂  
往而哀來素女撫絃而餘音兮太容吟日念哉旣防溢而靖  
志兮迨我暇以翺翔出紫宮之肅肅兮集太微之閶闔命王  
良掌策駟兮踰高閣之將將建罔車之幕幕兮獵青林之芒  
芒鸞威弧之拔刺兮射嶧喙之封狼觀壁壘於北落兮伐河  
鼓之磅礴乘天潢之汎汎兮浮雲漢之湯湯倚招搖攝提以  
低回剡流兮察一紀五緯之綱繆通皇偃蹇天矯婉連卷兮  
雜沓叢嶺颺以方曠鹹汨騰淚沛以罔象兮爛熳麗靡藐以

迭邊凌驚雷之硃礪兮弄狂電之淫裔踰滄鴻於宕冥兮貫  
倒景而高厲廓濛濛其無涯兮乃今窺乎天外據開陽而類  
眠兮臨舊鄉之諳諳悲離居而勞心兮情悃悃而思歸竟眷  
眷而屢顧兮馬倚輓而徘徊雖遊娛以媮樂兮豈愁慕之可  
懷出閶闔兮降天途乘焱忽兮馳虛無雲霏霏兮繞余輪風  
眇眇兮震余旗續連翩兮紛暗曖儵眩眩兮以常聞收疇昔  
之逸豫兮卷淫放之遐心脩初服之娑娑兮長余佩之參參  
文章負以燦爛兮美紛紜以從風御六藝之珍駕兮遊道德  
之平林結典籍而爲畧兮毆儒墨而爲禽玩陰陽之變化兮  
詠雅頌之徽音嘉會氏之歸耕兮慕曆改之嶽崧恭風夜而  
不貳兮固終始之所服夕惕若厲以省譽兮懼余身之未勅



苟中情之端直兮，莫吾知而不愬。默無爲以凝志兮，與仁義乎逍遙。不出戶而知天下兮，何必歷遠以劬勞。系曰：天長地遠，歲不留俟。河之清，祇懷憂。願得遠渡以自娛，上下無常策。六區超踰騰躍絕，世俗飄飄神舉逞。所欲天不可階，仙夫稀。柏舟悄悄，吝不飛。松喬高跼，孰能離。結精遠遊，使心携。更志竭來從玄謀，獲我所求夫何思。

歸田賦

張衡

遊都邑以永久，無明畧以佐時。徒臨川以羨魚，俟河清乎未期。感蔡子之慷慨，從唐生以決疑。諒天道之微昧，追漁父以同嬉。超埃塵以遐逝，與世事乎長辭。於是仲春令月，時和氣清。原隰鬱茂，百草滋榮。王雝鼓真倉，庚哀鳴交頸。頡頏關關，嚶嚶於焉。逍遙聊以娛情，爾乃龍吟方澤，虎嘯山丘。仰飛龍之繳俯，釣長流觸矢而斃。食餌吞鈎，落雲間之逸禽。懸淵沈之魴，鱸于時曜靈俄景，繼以望舒。極盤遊之至樂，雖日夕而忘勅。感老氏之遺誠，將廻駕乎蓬廬。彈五絃之妙指，詠周孔之圖書。揮翰墨以奮藻，陳三皇之軌模。苟縱心於城外，安知榮辱之所如。

文選卷之三



終